

故宮博物院
大覺禪師語錄·五宗救

大覺禪師語錄·五宗救



故宮博物院編

海南出版社

故宮珍本叢刊第 519 冊子部釋家類

故宮博物院編

圓通妙智大覺禪師語錄
五宗救

海南出版社

圖書在版編目(CIP)數據

故宮珍本叢刊.第519冊,子部.釋家/故宮博物院編.-影印本.-海口:海南出版社,
2000.12

本輯包括:圓通妙智大覺禪師語錄/(清)釋實力實慧編·五宗教/(明)釋弘忍撰

ISBN 7-80645-875-1

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2000)第 76169 號

故宮珍本叢刊第 519 冊

子部·釋家

圓通妙智大覺禪師語錄 五宗教

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*


2001 年 1 月第 1 版 2001 年 1 月第 1 次印刷


開本:787×1092 毫米 1/16 印張:25.5 印數:1-400 冊

ISBN 7-80645-875-1/Z·42

定價:960 元(子部釋家 9 種共 6 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末





御製性音禪師語錄序

佛氏見性明心之學圓通微妙非思慮言語所可及故以不落言詮不立文字為第一義然暗室通明於慧炬迷津待渡於慈航不有無言之言孰彰正覺是以切實指點喫緊為人隨方立意應緣說法靈機慧辯自具苦心此禪宗語錄所為典梵夾俱傳也朕昔藩邸多暇披閱經史之餘博觀內典於性宗奧旨實有契悟因時與禪僧相接惟圓通妙智大覺禪師性音解悟精深見地高卓闡發微妙超軼縹緲朕於西山特建大覺寺為師安禪之地及朕嗣登寶位凡體國經邦自有古昔聖王相傳之道法佛氏所見與治道無涉且以方外舊遊主

魚一

席輦下或以庸愚無識妄見頓生爰允師所請歸隱廬山四年以來地方大吏未嘗知有其人戒行清嚴深可嘉尚頃因示疾贈卹有加復命編輯語錄入之大藏用製序文弁諸首簡夫宣揚勝業貴祛妄而存真持護宗風在闢邪而崇正故儒家講學摘曲說之支離釋教參宗河旁門之謬誤師以真實悟得真實道超情離見深入妙門或廣座鉗椎或片言啓悟皆足以證如來真實之心印紹祖席之傳薪弘振禪風裨益廣衆則是編之流傳秘藏固擇學之津梁而上乘之途路也夫

雍正五年八月十六日

翰林院編脩臣吳應棻奉

敕敬書

魚一

二

圓通妙智大覺禪師語錄目次

卷一

京都大千佛禪寺錄

卷二

京都大千佛禪寺錄

魚

三

卷三

京都古栢林禪寺錄

卷四

京都古栢林禪寺錄

卷五

京都萬安山昌化禪寺錄

京都碧玉山龍泉禪寺錄

卷六

浙江杭州理安禪寺錄

卷七

浙江杭州理安禪寺錄

卷八

浙江海寧薦福禪寺錄

江西廬山歸宗禪寺錄

卷九

京都天壽山大覺禪寺錄
江西黃檗山報恩禪寺錄

卷十

普說

卷十一

普說

卷十二

普說

卷十三

舉古

卷十四

拈古

卷十五

拈古

卷十六

代古

卷十七

頌古

卷十八

法語

卷十九

佛事

卷二十

佛祖讚

自讚

聯芳偈

行述

圓通妙智大覺禪師語錄目次終

圓通妙智大覺禪師語錄卷第一 魚一

門人實慧力編

京都大千佛禪寺錄

據室從上若佛若祖天下老和尚向者裏敲猪敲狗鑿斷天下人咽喉吹餘不打者鼓笛橫竹篴云放汝命通汝氣

魚一

五

上堂拍座云者裏會得便好掀倒禪牀喝散大衆其或尚留觀聽驟步云應如是知如是見如是解拈香云五眼難窺郁郁祥光健行而不怠二聽罕聞綿綿至化廣運以無私祝延聖壽億載萬年末後拈香云不從胸襟流出亦非他方得來吹餘一生鼻孔撩天南方二十年參見數十員善知識直是羅籠不住呼喚不回臨末梢頭撞至杭城十八澗謁見先師格老人片言之下遭其熱喝做盡許多

伎倆亦出他圈圓不得今日被人推輓出來拈一瓣香也是思將讐報問為國開堂如何舉示師云一點無私力祝延億萬年云今日斬新條令去也師云慣將折箸攪滄溟云去即印住住即印破如何是印師云斷筋草鞋乃云百尺竿頭踏着最初一步自然縱橫得妙天清地寧晝明夜暗移易一些子不得松直棘曲鳬短鶴長增減一些子不得通方俊彥不言而喻稍若回頭轉腦未免累他周行七步底至今望不得面壁九年底至今行不得今日馬頭截角將娑婆擲去他方妙喜移來此土如壯士展臂如獅子遊行更若出來問何者是建綱宗何者是振祖風直湏打了更勘過始得復舉長沙曰張拙問千佛名經公案畢云等閒出一語示一機直是令人難

構要且張拙一死更不再活今日若有人恁麼問劈脊便棒聽取一頌國土安然不動搖清光萬里御香飄太平瑞氣騰寰宇航海梯山入盛朝

應請上堂拈座云到者裏不必七推八拓祇

魚一

六

得拋三放兩去也便陞問五家宗旨事若何師云枯木來風云如何是臨濟宗師云鐵眼銅睛喪膽魂云如何是曹洞宗師云烏雞帶雪飛云如何是雲門宗師云閃電光中不留痕云如何是為仰宗師云日月齊明云如何是法眼宗師云揩磨山色翠雲深云不用改途更轍如何是千佛應請座消息師云穿鼻直須丈二繩乃云以一滴猊血化千斛驢乳涓滴無餘以一片鷲膠續萬鈞斷絃神威凜凜以一粒芥子擊修羅窠窟縱使藕絲難藏

以一點微塵化恒河沙國土直教塵塵爾刹刹爾衲僧家曰事造理隨處圓成不用移星換斗自然水到渠成卓拄杖云驗取目前小叅問金烹大冶玉琢良工成個甚麼師云闍黎喫飯還吐也未乃云兔馬有角牛羊無角大似誑謔問闍黎會得也可可地會不得也可可地東頭買貴西頭賣賤早晚行情自是不定十字街頭斷貫索也道我天上天下山僧一向好捩轉人鼻孔今日却嫌手酸明鏡醜婦之冤智者愚人之患

魚一

七

小叅行到水窮處坐看雲起時馬簸箕扭破百丈鼻頭陳蒲鞋拶折雲門脚脛是行到水窮處若是坐看雲起時我也知你者一隊漢道個某甲粗識痛癢

雪影法兄至上堂問如何是箇蓋乾坤句師

云天清地寧云如何是截斷衆流句師云猛虎當路云如何是隨波逐浪句師云風飄柳絮乃云興化於大覺棒下即知臨濟喫三頓痛棒底意旨雪峰於岩頭喝中頓明德山無一法與人底道理若道有所知有所明即埋沒他大覺岩頭若道無所知無所明未免辜負他臨濟德山那堪師弟祇會如來禪不會祖師禪師兄祇得第二句我得第一句喝一喝云如來禪祖師禪第一句第二句喝一喝云百雜碎了也還有收拾得起者麼復喝一喝

小叅問如何是道師云山僧怕聞云既是大善知識為甚怕聞師云夕死可矣乃云欲行却步索鹽奉馬博得一絲毫退却三千丈者幾日刻不放過逼得諸佛菩薩狸奴白牯個

個鼻孔相拄眉毛擱結直得無處藏竄却也有一件相應肩頭好肉忽地成峯仔細摸來恰似一塊生鐵

小叅塵說剎說熾然說無間歇殿上兩頭鴟吻從朝至暮費盡許多氣力華山陳處士大睡一千年小睡五百年是醒耶夢耶天親菩薩合掌讚云得恁麼梵音清雅令人樂聞夜來何處火燒出古人墳

上堂問內不放出外不放入如何進步師云倒屣疊足云坐斷千差逼塞虛空可是安身

魚一

立命處麼師云太契力生問如何是諸佛最初機師云爛泥拽尾云如何是祖師末後句師云不曾將得舌來云最初末後是同是別師云長短分知去乃云諸佛頂顙一機威音前薦得灞陵橋上望西川祖師末後一句樓

至後踏著塼墪堆頭破畚箕拈一點微塵塞却虛空口不是不能直須脫却橐籥別展神光爭奈枯槔之士頻逢抱瓮之流罕遇

小叅問如何是大用現前不存軌則師云壁上畫粉園乃招拄杖做撒開勢云布縵天網張冲霄綵鳳又做垂釣勢云垂千尺絲取奮鬣鯉龍莫有不顧性命破雲直上離釣三寸道得一句者麼復做搖船勢唱云欸乃一聲歸去也滿天風月屬誰家

小叅東皇太乙斬新條石砧楊葩意氣驕無小叅問如何是向上一路師云大明宣德年製乃云出外六十日周旋數百里百尺竿頭坐斷千差底正好轉身竿木隨身逢場作戲底還應歇却有一班漢聞恁麼說便道去來不以象動靜不以心不妨無人處斫額望他

有麼且留水來與山僧洗脚

九

小叅問虛空為紙須彌為筆寫個甚麼師云寒風昨夜起遍地是嚴霜乃云艸山怨熱塞北畏寒晉人晉越人詐波斯慣喫胡椒新羅愛飲冷淘祇如枯桑預知風海水先覺寒石脾入水即乾出水即濕獨活有風不動無風却搖因其性耶隨其地耶高超物外耶唇薄善談袖長工舞

上堂問如何是學人自己師云枯樹椿云枯樹椿如何是學人自己師云有甚雕鑿處乃云一人所在到即許到見則不許見半人所在見即許見到則不許到無人所在到也許到見也許見要問你既是無人所在甚麼處到甚麼處見可中有個漢眼光爍破四天下脚跟踏碎五須彌向三門後東廁邊點胸點

肋道開眼便見舉步便到有甚難到有甚難見不妨把頭連點蜚螂之智力在轉丸

上堂問一門通法海萬派盡朝宗如何是宗師云剛鬚柔毛云如何是和尚底機師云鋸解鐵索一扯一拉乃云撥開眼中羅縠仍然捏目生花斬斷脚跟紅線難免癡狂外走瑪瑙階前重鋪錦繡大清國裏無人不然枯木岩前攬壘堆頭垂半隻眼不道全無祇是少千佛破院荒廢多年兼之僻處一隅門罕車馬今承諸山賁然下顧使巖前枯木頓糝寶花堆頭攬壘放大光明祇得盡力抖擻屎腸若是佛法世法又何嘗夢見

小叅問以手擊觸比丘犯波夷提因甚德山逢人便捧師云放過者喫糟漢乃云山僧打頭不遇作家到底翻成骨董見佛如同螻蟻

視祖一似魚鯨終日鼓兩片皮不是貶剥諸方就是誑訕閭閻說却說了一丈行祇行得三尺逗到今日豈肯遭人檢點祇得自己授記去也從此三十年去一回喫水一回噎

小叅問如何是和尚深深處師云梵莢畫蠹魚乃云若論戰也個個力在轉處有理何用高聲酸酢那借胡蘆南泉和尚道道不屬知不屬不知知是妄想不知是無記若真達不疑之理豈可強是非耶喝一喝云遐陬皆秉敕何用假銀城

除夕小叅問年窮歲盡事如何師云葭灰動三陽云得恁麼安閒師云窮債猶未清在乃云三十六旬之末七十二候之終古人每逗到此日謂之臘月三十正眼看來一場笑具殊不知葭灰未動梅萼先舒何須殘臘盡方

限風光藏不得谿南谿北釀紅綃祇如鶴勒
那發現空中曼拿羅劃泉地上佛法耶世法
耶賢聖法耶

小叅去年一定去何用挑燈送新年決定來
不須爆竹迎從威音逗到如今不知遷變幾
多番實不曾動著些子惟有神荼鬱壘從年
頭至年尾終朝面面相覷直饒觀到盡未來
際敢保依舊還是門外漢

佛成道上堂問東家點燈為什麼西家暗坐
師云倔强任你倔强云不涉萬緣底還成佛
否師云鑽冰覓火問如何是聲前悟旨師云
衣線下打失布袋也乃云奇哉一切衆生具
有如來智慧德相但因妄想執着不能證得
此是三千年前黃面老子夜觀明星底敗闕
處今朝拂子不動道場忽然歎云奇哉一切

諸佛具有衆生妄想執着但因智慧德相不
能證得於是諸佛盡皆茫然云我等於三大
阿僧祇劫方證佛果今日忽聞於未聞不勝
致疑彌勒出云不須疑也我雖未證菩提亦
是一生補處此有千佛主人為我等一衆之
所歸從可共往問山僧見伊來喚云彌勒妄
想執着迷中悟智慧德相悟中迷頭長三尺
項二寸定然拽耙又拖犁

小叅問如何是祖師西來意師云折腳板凳
靠南牆乃云快馬一鞭快人一言適纔土城
關外見一夥園戶挑著幾擔茄子蘿蔔黃瓜
一路賣道好新鮮應時應節底叫了一路祇
是諸人不顧顧左右嘆云汝等還嫌少鹽缺
醬那

分衛小叅問如何是釋迦慳師云根塵脫盡

無依倚云如何是迦葉富師云賣盡風流不
 讓人乃云十字路口衲僧巴鼻儼然百草頭
 邊老僧面目現在今日打開布袋雖然多年
 滯貨無人着價三十年後自有露柱證明忽
 有一個半個出來道個太無厭生山僧不妨
 款款向他道饑不擇食

十二

上堂問寒風凋敗葉猶喜故人歸未審誰是
 故人師云委名不委姓乃云白日不移輪顯
 晦殊途鐵幹糝空花榮枯一致一步較易兩
 步却難秦望山頭斫額寄心思於汪洋無家
 可坐遍界馨香無世可興普天燦爛還他本
 色住山人覓絲毫刀斧痕亦不可得祇如無
 縫塔樣子因甚被人借去
 上堂問如何是秘密藏師云今日豈肯當眾
 分付云恁麼則不秘密也師云分付你個甚

麼僧喝師打云秘密何在乃云佛法徧一切
 處一切處覓不可得佛法原非一處一處不
 覓自得得者如魚遊網未得者似鳥出籠奴
 見婢殷勤二十年來久不作者個見解以拂
 子畫○云因甚欽師猶被馬師惑

道是春回

元旦上堂拈香云橫看則東西南北順看則
 百千萬億以至不可說直饒三千大千世界
 未酬他何異接竹點天祝延睿算萬壽無疆
 乃立云元正啟祚萬象咸新恭惟頭首知事
 內外大眾尊體起居各各萬福笑云好大眾
 雖是舊宮商却應新節拍若是關湊奇巧攢
 花簇錦諸方大有長處吹餘舉目無一些子
 新境界胸中無半個元字脚雖然如是譬如
 陶家輪譬如郢士斤譬如琴瑟篳篥

上堂問昔日功甫到白雲作頌相謝今日允庵居士至作麼相酬師云木人歌白雪石女和陽春云如何是混融無私句師云西天人不會唐言乃云資福見陳操來畫一圓相則川因龐蘊至拋下茶籃雖則同門出入就中敗闕處要且掩人口不得木人歌白雪石女和陽春須是家裏人方明家裏事吾無隱乎爾山谷鼻孔豈真借晦堂出氣耶蓋緣土曠人稀相逢者少你有一丈還你八尺你有八尺却還你一丈不是多處添少處減山僧年來慣用齧猪狗底手脚不解和泥合水有者道若恁麼未免法堂前草深一丈不妨向竹竿頭上禮他三拜

孟蘭會上堂問目連尊者已登聖位因甚其母反墮地獄師云義出豐年乃云諸人於九

十日中也有纖塵不立底也有遍界芬芳底也有脫體風流底古人云秋初夏末合有責情三十棒今日一齊放過祇如人人有個最初父母因甚却同住不相識紅爛通身荆棘穩髑髏前驗幾知音

小叅問如何是和尚家風師云妝點新婦子云忽遇客來如何接待師云恭惟郎君乃云水到渠成幟到威成馬到功成半是思議半是不思議元都觀裏鄭法官半月一伏章彌陀寺裏吳和尚終日打野捱近山沒柴燒近河沒水喫住在九重城裏却飯不足粥不足遂起立以拄杖作量身勢云吹餘不是矮閣黎一千五百年前因甚麼也遭他為山授記小叅問能為萬象主不逐四時凋是甚麼人行履師云添一減一云隨緣做主去也師云頭

長策匾云臨濟佛祖苗裔如何見佛也打見祖也打師云仇人見面分外眼紅乃笑云能為萬象主不逐四時凋諸方固是看不上眼平高就下不妨煮香飯供養他兄弟們個個皆喜較勝不較劣衣線下博得一寸之長便自目眎雲漢恰似蛇吞蝦蟇吞不得吐不得你看背地裏定有個孟八郎道吹餘壓良為賤

小叅問山河大地一法所印是那一法師云大清律乃云向上不傳之道天台一半南岳一半拄杖子腳踏遍四天下究竟路頭也不曾摸索著觀世音菩薩即解頸眾寶珠璣以為供養云佛子住此地則是佛受用常在於其中經行及坐卧

圓通妙智大覺禪師語錄卷第一終

圓通妙智大覺禪師語錄卷第二 魚二

京都大千佛禪寺錄

門人實力
慧編

元旦上堂問高峰四句問答如林請師別開生面師云又要汚他云光銍不露如何是海底泥牛銜月走師云踏破草鞵即歇云牙爪全收因甚崖前石虎抱兒眠師云睜開睡眠即歇云驗盡髑髏鐵蛇鑽入金剛眼呌師云掉轉頭來即歇云東拋西拽崑崙騎象鷺鷥牽又作麼生師云拽脫鼻孔即歇云內有一句能縱能奪能殺能活是那一句師云尾巴書卍字云應弦落俊鶻當得殺句麼師云鉤頭不著餌云片言能返魂當得活句麼師云肘後徒藏符云減竈添層營當得縱句麼師云慣跌不須手云背水列旌旗當得奪句麼